

»Nyavu (chandarua) dhidi ya wadudu katika kitalu«

Miche ya mboga huhitaji utunzaji maalum kwa sababu hushambuliwa sana na wadudu. Viuawadudu sio tu ghali, lakini pia ni hatari kwa afya ya watu. Kwa hivyo, ni bora kutumia nyavu (chandarua) za wadudu ili kupunguza utumizi wa viuawadudu.

Wadudu waharibifu wa mazao ni; konokono, na panzi ambao hula na kukata mimea, viwavi ambavyo hushambulia nyanya, kabichi na pilipili. Nzi weupe hufyonza maji ya mimea, na hivyo kuchelewesha ukuaji wa mmea na kusambaza virusi.

Kuweka wavu (chandarua)

Unaweza kununua wavu iliyotengenezwa tayari au kujitengenezea yako. Wakati wa kutengeneza, ongeza 1m kwa urefu na upana wa kitalu ili kujua kiasi unachohitaji.

Baada ya kupata wavu, tumia vifaa vinavyopatikana kama vile matawi, vijiti ili kustahimili wavu. Vikate vijiti kwa urefu wa kutosha ili wavu iweze kupita nusu mita juu ya udongo.

Weka vijiti kwa pande zote za kitalu na uondoe sehemu zilizochongeka. Funika kitalu kwa kutumia matandazo, kisha weka wavu, na pia weka udongo kuzunguka wavu ili kuweza kuifunga vizuri.

Baada ya siku 8–9, fungua wavu na uondoe matandazo wakati miche inapoanza kuota. Baada ya hapo, unafaa kuweka majani kando kando ili kuipa kivuli ikiwa jua ni kali.

Wakati unapokaribia kupandikiza miche, ondoa wavu.